

Հաստատված է «ՀԱՅԷԿՈՆՈՄԲԱՆԿ» ԲԲԸ  
Վարչության 05.08.2025թ/ թիվ 147/03 որոշման Հավելված 1-ով

«ՀԱՅԷԿՈՆՈՄԲԱՆԿ» ԲԲԸ Visa վճարային քարտերով անկանխիկ գործարքների  
կատարման մարքեթինգային մրցույթի անցկացման պայմաններ

## 1. Ընդհանուր դրույթներ

- 1.1. Սույն պայմաններով սահմանվում են «ՀԱՅԷԿՈՆՈՄԲԱՆԿ» ԲԲԸ (այսուհետ՝ Բանկ) կողմից Բանկի Visa վճարային քարտով անկանխիկ գործարքների կատարման մարքեթինգային մրցույթ (այսուհետ՝ «Մրցույթ») անցկացնելու կանոններն ու պայմանները (այսուհետ՝ Մրցույթի պայմաններ):
- 1.2. Մրցույթին մասնակցելով՝ մասնակիցն ամբողջությամբ ընդունում է և անվերապահ համաձայնվում է Մրցույթի պայմաններին:
- 1.3. Մրցույթի անցկացումը մարքեթինգային (գովազդային) միջոցառում է:

## 2. Մրցույթի ժամկետներ

- 2.1. Մրցույթի անցկացման ժամկետն սկսվում է 2025 թվականի սեպտեմբերի 1-ի ժամը 00:01-ից և ավարտվում է 2025 թվականի հոկտեմբերի 31-ին, ժամը 23:59: Պայմաններում ժամերը նշվում են Երևանի ժամանակով:
- 2.2. Մրցույթի արդյունքներն ամփոփվում են Մրցույթի անցկացման ժամկետի ավարտից հետո մինչև 2025 թվականի դեկտեմբերի 12-ը ներառյալ:
- 2.3. Մրցույթի արդյունքում հաղթող ճանաչված մասնակցի անհատական կողը հրապարակվելու է Բանկի պաշտոնական կայքում և ֆեյսբուքյան էջում՝ մինչև 2025 թվականի դեկտեմբերի 16-ի ժամը 23:59-ը:
- 2.4. Մրցույթի հաղթողին մրցանակը հանձնվելու է մինչև 2025 թվականի դեկտեմբերի 30-ը:

## 3. Մրցույթի մասնակիցներ

- 3.1 Մրցույթի մասնակիցներ են համարվում Բանկի Visa վճարային քարտի, այսուհետ՝ Քարտ, քարտապան հանդիսացող, 18 տարին լրացած և Բանկի աշխատակից չհանդիսացող այն քարտապանները (այսուհետ՝ Քարտապան), ովքեր Մրցույթի անցկացման ժամկետում Քարտով կատարում են Պայմանների 4-րդ մասով սահմանված չափով և պայմաններով անկանխիկ գործարքներ:

## 4. Մրցույթի կանոններ և պայմաններ

- 4.1. Մրցույթի մասնակցելու համար Քարտապանը Մրցույթի անցկացման ժամկետում պետք է Քարտով կատարի անկանխիկ գործարք(ներ)՝ 50,000 դրամ կամ դրան

համարժեք արտարժույթի գումարի չափով, այսուհետ՝ Գործարք, բացառությամբ այն անկանխիկ գործարքների, որոնց նկատմամբ չեն տարածվում Մրցույթի պայմանները:

4.2. Մրցույթի պայմանները չեն տարածվում հետևյալ տեսակի գործարքների նկատմամբ.

- Քարտին անկանխիկ մուտք,
- Քարտից փոխանցում այլ քարտի կամ այլ հաշվի,
- Քարտից կոմունալ վճարում (ներառյալ հեռահաղորդակցման, հեռուստատեսության, ինտերնետ ծառայությունների վճարում),
- Հաշիվների, քարտերի, էլեկտրոնային դրամապանակների համալրում,
- Վարկի մարումներ, տոկոսների, տույժերի և այլ վճարների վճարումներ ,
- Խաղատների և շահումով խաղերի խաղադրույքների և խաղադրույք ընդունող ընկերությունների հաշիվների համալրումներ,
- պետական մարմինների ծառայությունների դիմաց վճարումներ,
- պետական տուրքերի վճարումներ,
- հարկերի վճարումներ,
- Բանկի ներքին համակարգերով իրականացված գործառնություններ,
- օրենքով սահմանված կարգով պարտադրված ցանկացած վճարումներ,
- լրացուցիչ և կից քարտերով կատարված գործարքներ:

4.3. Գործարքի դեպքում ձևավորվում է Մրցույթին մասնակցող մեկ կողմ և ուղարկվում է տվյալ Քարտապանի՝ Բանկում գրանցված էլեկտրոնային փոստի հասցեին, իսկ գրանցված էլ. փոստ չունենալու դեպքում՝ Բանկում գրանցված նրա հեռախոսահամարին մինչև Մրցույթի անցկացման ժամկետի ավարտը: Կախված Գործարքի քանակից նույն Քարտապանին ուղարկվում է կատարված Գործարքի քանակին համապատասխան քանակի կողմ:

4.4. Արտարժույթով քարտի և/կամ գործարքի դեպքում հաշվարկները կատարվում են հետևյալ սկզբունքով.

4.4.1. Քարտային հաշվի և գործարքի արժույթը նույնը լինելու դեպքում՝ դրամով արտահայտված արժեքը հաշվարկվում է Գործարքի Բանկում ձևակերպման պահին ՀՀ ԿԲ կողմից սահմանված համապատասխան արտարժույթի փոխարժեքով:

4.4.2. Քարտային հաշվի և գործարքի արժույթները տարբերվելու դեպքում՝ դրամով արտահայտված արժեքը հաշվարկվում է Բանկում գործարքի ձևակերպման պահին քարտային գործառնությունների համար Բանկի սահմանած փոխարժեքով:

4.5. Մրցույթի պայմանները չեն տարածվում այն գործարքի նկատմամբ, որի գծով կատարվել է գործարքի հետվերադարձ:

4.6. Մրցույթին հաղթող մասնակցին մրցանակի փոխարեն գումարային փոխհատուցում չի տրվում և մրցանակը չի փոխարինվում այլ նվերով:

4.7. POS տերմինալների և EPOS-տերմինալների խափանման (այդ թվում՝ կապի), անսարքության պատճառով չիրականացված կամ ոչ պատշաճ իրականացված գործարքի համար Բանկը պատասխանատվություն չի կրում:

- 4.8. Մասնակցի կողմից Բանկին սխալ/թերի տվյալներ տրամադրած լինելու, Մրցույթի պայմանները խախտելու և (կամ) զեղծարարարություն և (կամ) իրավունքի չարաշահում թույլ տալու դեպքում՝ տվյալ Քարտապանը դադարում է համարվել Մրցույթի մասնակից:
- 4.9. Մրցույթի ամփոփումը իրականացվելու է առցանց՝ Բանկի սոց.կայքերի միջոցով:
- 4.10. Մրցույթի հաղթողը ճանաչվում է Մասնակիցներից պատահականության սկզբունքով՝ Քարտապաններին տրամադրված կողերից պատահական ընտրության միջոցով:
- 4.11. Հաղթող Քարտապանի հաղթող ճանաչվելու, Մրցանակը ստանալու և ամփոփիչ միջոցառման անցկացման վայրի ու ժամանակի մասին Բանկը ուղարկում է տեղեկացում Բանկում գրանցված նրա էլեկտրոնային փոստի հասցեին և Բանկում գրանցված նրա բջջային հեռախոսահամարին SMS հաղորդագրություն:
- 4.12. Մրցույթի հաղթողի անունը/նկարը Բանկը կարող է իր կայքում և (կամ) սոցիալական կայքերի պաշտոնական էջերում հրապարակել, որի համար Մասնակիցն իր մասնակցությամբ տալիս է համաձայնություն:
- 4.13. Մրցույթի հաղթող մասնակցի կողմից Մրցույթի պայմանները խախտելու և (կամ) զեղծարարարություն և (կամ) իրավունքի չարաշահում թույլ տալու, Մրցույթի ամփոփումից հետո 10 (տասը) օրվա ընթացքում Բանկի կողմից հաղթողի հետ կապ հաստատելու հնարավոր չլինելու դեպքում (Քարտապանի չպատասխանելու, անհասանելի լինելու) Բանկին սխալ/թերի տվյալներ հաղորդած լինելու, հաղթողի կողմից մրցանակը ստանալուց հրաժարվելու դեպքում՝ հաղթող մասնակցի Մրցույթի հաղթող ճանաչվելը դադարում է և Բանկն իրավունք ունի հրաժարվել Մրցանակի տրամադրումից:

#### 4. Մրցույթում հաղթող մասնակցի մրցանակը և դրա հանձնումը հաղթողին

- 4.1. Մրցույթի հաղթողին տրվում է հետևյալ մրցանակը, այսուհետ՝ Մրցանակ.
  - **1 հատ BYD YUAN UP MY2024 ( Leading Edition) էլեկտրական մեքենա**
- 4.2. Մրցույթի հաղթողին Մրցանակը տրամադրելու համար վերջինս պետք է անձը հաստատող փաստաթղթով ներկայանա Բանկի Գլխամասային գրասենյակ և կատարի Մրցանակի նկատմամբ հաղթող մասնակցի իրավունքների ձևակերման և պետական գրանցման համար անհրաժեշտ գործողությունները, ծախսերը և ստանա մրցանակը: Սույն կետով սահմանված գործողությունները, մրցույթի ամփոփիչ միջոցառման մասնակցելը կարող է իրականացնել հաղթող մասնակցի կողմից լիազորված անձը, եթե վերջինս անձը հաստատող փաստաթղթով ներկայանում է Բանկ և ներկայացնում է հաղթող մասնակցի կողմից նոտարական կարգով իրեն տրված և համապատասխան գործողություններ կատարելու լիազորություններն ներ պարունակող լիազորագիրը:

4.3. Մրցույթի հաղթողը պետք է Բանկին ներկայացնի իր այն անձնական տվյալները, որոնք անհրաժեշտ կլինեն Բանկի կողմից հաղթողին մրցանակը տրամադրելու, մրցանակի նկատմամբ նրա իրավունքների ձևակերպման և պետական գրանցման, ինչպես նաև մարքեթինգային նպատակներով օգտագործվելու համար:

## 5. Հաղորդակցման տվյալներ

5.1. Բանկի հաղորդակցման տվյալներն են՝

Բանկի համացանցային պաշտոնական կայք-էջը՝ <https://www.aeb.am>

Բանկի հեռախոսահամարը՝ 86 86

Բանկի սոցիալական առցանց էջերը՝ [Facebook](#), [Instagram](#), [Telegram](#)